



Publicaziuns dalla vischnaunca, jamna 39

Damondas da baghegiar

2018-1006.003

Datum dalla publicaziun: 27 da settember

Il patrun: Doris e Marcel Manetsch-Tobler, Via Scantschala 11, 7183 Mumpé Medel
Il representant: Marcel Manetsch-Tobler, Via Scantschala 11, 7183 Mumpé Medel
Object: Ulteriura midada da project dil niev baghetg cun garascha dubla ed in luvratori, nova scala pigl access tier il niev baghetg sin parcella 1086, Via Scantschala 9, 7183 Mumpé Medel

2019-1038.000

Datum dalla publicaziun: 27 da settember

Il patrun: Placi Bigliel-Hendry, Via Disla 1, 7180 Disentis/Mustér
Il representant: Placi Bigliel-Hendry, Via Disla 1, 7180 Disentis/Mustér
Object: Sanaziun e midada d'intent dil baghetg nr. 592-A sin parcella 1779, Via Disla 1, 7180 Disentis/Mustér

Intent: Damonda da baghegiar per
dall'exposiziun stabiliments enteifer la zona
publica: da baghegiar

2019-1041.000

Datum dalla publicaziun: 27 da settember

Il patrun: Immo Invest Partner AG, Schaffhauserstrasse 131, 8152 Glattbrugg
Il representant: Maier Hess Architekten GmbH, Neptunstrasse 25, 8032 Zürich
Object: Spazzar il baghetg sin parcella 1346, construcziun d'in hotel niev, tschun casas da habitar e treis garaschas sutterranas sin las parcelas nr. 1339/1342/1346, Acla da Fontauna, 7180 Disentis/Mustér.
Zona: Zona speciala Acla da Fontauna (art. 27 LB)
Damondas - Damonda per projects da
supplementaras construcziun sper vias cantunalas
suttamessas dils 18 da fevrer 2019
all'obligaziun da - Damonda da lubir da deviar
coordinaziun: auas piarsas d'industria e mistregn dils 13 da fevrer 2019
- Damonda d'allontanar seivs vivas e caglioms dils 24 da fevrer 2019
- Damonda per ina lubientscha dalla polizia da fiug dils 28 da schaner 2019
- Damonda da lubir baghetgs che caschunan immissiuns d'aria relevantas (declaronza d'immissiun; art. 13 al. 1 KUSG en cumbinaziun cun art. 4 al. 1 lit. a KUSV)

Avis: En connex cun differentas lubientschas da baghegiar suttamessas all'obligaziun da coordinaziun existan davart dalla damonda da baghegiar dils 22 da mars 2019 (Nr. 2018-1007.000) gia lubientschas da baghegiar. Encunter las lubientschas menziunadas sa (senza observar la lubientscha respectiva) vegnir inoltrau enteifer suramenziunau termin protesta; aschinavon ch'ei vegn inoltrau protestas, vegn la vischnaunca a suttametter las damondas pertuccadas als uffecis cumpetents per in giudicament niev.

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.
Disentis/Mustér, ils 20 da settember 2019
Uffeci da baghegiar Disentis/Mustér



Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suadont project:

Nr. 2019-2082.000

Arno Schlueter, Markusstrasse 5, 8006 Zürich: sanaziun dalla cuschina e lavurs da manteniment vid il sochel digl edifices nr. 466B, parcella 2173, Via Crestas 26, 7183 Mumpé Medel

Encunter quella decisiun san ins protestar a scret enteifer 20 dis dapi la publicaziun alla suprastanza communal. Disentis/Mustér, ils 24 da settember 2019
Uffeci da baghegiar Disentis/Mustér

Proceduras da baghegiar

Obligaziun d'annunzia

En tgei cass ei ina procedura da baghegiar d'annunziar:

Damonda da baghegiar:

- La construcziun da novs edifices e stabiliments
- L'engrondaziun d'edifices e stabiliments existents
- Midadas egl intern digl edifices e stabiliment cun consequenza sin igl uorden da gudiment (p.ex. la classificaziun tenor il consum d'aua, il diember da parcadis ni il diever da habitaziuns (primaras e secundaras).
- La sanaziun da tetgs
- Stabiliments e menaschis da plazzas da campar, cavas da crappa e gera
- Midadas da terren ordeifer la zona da baghegiar
- Tuts projects che pretendan ina lubientscha digl uffeci davart il svilup dil territori dil cantun Grischun
- Stabiliments d'avertura

Documentaziun per la damonda da baghegiar:

- Plan da situaziun 1:500
- Plans da scadina alzada en proporziun cun indicar la grossezia dallas preits (mirs), igl intent dallas stanzas, las mesiras da finiastras, escha e scalas. Il material e la mesira dils indrezs da scaldament
- Plan el tagl vertical
- Plan da fatschada en proporziun
- Plans da project per lavurs vid il contuorn cun las modificaziuns da terren, mirs da sustegn, seivs etc.
- Cuorta descripziun da construcziun cun indicar igl intent, l'execuziun ed il parcadi
- Calculaziun detagliada dalla cefra d'utilisaziun e dils parcadis
- Indicaziun approximativa dils cuosts da baghegiar
- Documents per cundrezs sutta mess alla polizia da fiug
- Documents per la protecziun civila
- Mussament d'energia (era mo per parts da baghetgs)
- Decisiun preliminar da dall'assicuranza da baghetgs per edifices en zona da prighel
- Declaronza davart la reutilisaziun dils rufids da baghetgs
- Mussaments d'immissiun per stabiliments enteifer il cataster d'immissiuns ni cun atgna producziun da canera
- Mussaments per lubientschas da scavament e sondaziuns per auas sutterrana e pumpas da calira
- Eventualas cunvegnientschas cun convischins ed impurtaziuns el cudisch funsil
- Declaronza davart igl intent da habitar (habitaziuns secundaras)

Annunzia da baghegiar:

- Tuttas lavurs ni midadas d'intent pintgas ein d'annunziar cun ils plans, skizzas ni fotografias corrispundentas.



Quella gliesta ei exemplara. Tenor project basegna ei mo ina part dils documents numnai. Tier edifecis e stabiliments ordeifer la zona da baghegiar, sper vias cantunalas, menaschis da lavur e mistregn (incl. ustrias) sco era per baghetgs enteifer la zona forestala basegna ei lubientschas supplementaras. En cass da damondas dat igl uffeci da baghegiar (tel. 081 920 36 46 ni e-mail: baghegiar@disentis.ch) bugen sclariment.

Nus supplichein Vus da prender enconuschientscha da quellas reglas ed engraziein per Vossa collaboraziun.

Suprastonza communal Disentis/Mustér

Proceduras da baghegiar

Obligaziun d'annunzia

Tenor art. 64, al. 2 dalla lescha da baghegiar ein projects da baghegiar sebasond sin art. 40, al. 1 dall'ordinaziun davart la planisaziun dil territori pil cantun Grischun (OPT) suttamess all'obligaziun d'annunzia.

Buca suttamess all'obligaziun d'annunzia ein classenas moviblas duront il temps da pasculaziun (art. 40, al. 1, it. 19 OPT) ed installaziuns da plazzals, aschinavon ch'ellas caschunan buca considerablas immissiuns. Excepiu ein dormitoris per il persunal (art. 40, al. 1, lit. 22 OPT) ch'ei suttamess alla procedura da baghegiar. Sanaziuns da baghetgs, che han per consequenza che la valeta dil baghetg s'augmenta, ein en mintga cass suttamessas all'obligaziun d'annunzia.

Suenter che las lavurs da sanaziun ein terminadas, ei ladinamein da far ina corrispudenta annunzia agl uffeci per la valetaziun d'immobilias dil cantun Grischun, Glion. Cheutras vegn evitau che baghetgs restan sutvaletai. En cass da donns sa quei haver consequenzas gravontas. All'annunzia resp. alla damonda da baghegiar eis ei d'aschuntar ils documents e plans necessaris. Annunzias ni damondas da baghegiar buca cumpletas vegnan returnadas als petents.

Ils formulars per las differentas damondas da baghegiar stattan a disposiziun sin la pagina d'internet dalla vischnaunca www.disentis.ch / Spurtegl virtual / Uffeci da baghegiar – ni ch'els san vegnir retratgs al spurtegl dall'administraziun communal.

Suprastonza communal Disentis/Mustér

Studi davart ina surbaghegiada el Center dil Vitg

Invitaziun all'exposiziun da lavurs da diplom

Miez fevrer 2019 ha la suprastonza communal surdau alla Scol'aula da tecnica ed economia STE/HTW, uera l'incarica d'elavurar in studi per sviluppar il center dil Vitg da nossa vischnaunca. Dapi lu ha la Scol'aula STE/HTW midau num e secloma dapi 'entschatta settember 2019 FHGR – Scol'aula specialisada dil Grischun.

Il studi ei vegnius elaboraus entras ina classa d'architectura dalla FHGR. Las lavurs da diplom vegnan era presentadas alla populaziun en fuorma d'ina exposiziun. L'avertura dall'exposiziun succeda el rom d'ina vernissascha che ha liug **venderdis, ils 11 d'october 2019** allas 18.00 ellas anteriuras localitads da vendita dil Coop alla Via Alpsu 10 a Disentis/Mustér.

Il program dall'avertura sepresenta sco suonda:

- Allas 18.00 beinvegni ed avertura dall'exposiziun entras il president communal Robert Cajacob.
- Presentaziun dallas lavurs da studi entras Christian Wagner, professor per architectura diplomau ETH/SIA alla FHGR.
- Aperu cun pusseivladad da prender investa dallas lavurs e discussiun libra.

Ulteriuramein ei l'exposiziun publica aviarta ils suandonts temps:

- **Sonda, ils 12 d'october 2019**, 16.00–18.00
- **Venderdis, ils 18 d'october 2019**, 16.00–18.00
- **Sonda, ils 19 d'october 2019**, 16.00–18.00

Nus selegrein da Vies interess e d'animadas discussiuns.

Disentis/Mustér, ils 24 da settember 2019

Suprastonza communal Disentis/Mustér



Controlla da habitonts

Mortori

Giacomo Jakob Teigesser, naschius ils 15 d'avrel 1929,
morts ils 20 da settember 2019

Naschientscha

Fionn Müller, naschius ils 19 da settember 2019
fegl da Priska Müller ed Armin Manetsch

Taxa da cumpensaziun da pumpiers 2019

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun.

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard gliendisdis, **igl 1. d'october 2019** all'administraziun communal, caum postal 57, 7180 Disentis/Mustér ni per e-mail (rgenelin@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal

Rimnada da pupi

Venderdis, ils 4-10-2019

Adatg! Ei vegn mo rimnau:

gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel n di avon). Igl ei impurtont da ligiar bein il pupi e da buca far memia gronds pacs. Engrazièl. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca durent la rimnada.

Bien engraziament per Vies agid e sustegn!

Nossa Scola Populara, Mustér, Ch. Berger

Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug

mardis, igl 1. d'october 2019 naven dallas 19.00 el hotel «La Furca». Era novizs che vulan emprender da dar troccas ein cordialmein beinvegni. Cordialmein envidan

Ils organisaturs dalla sera da troccas

Robotica en biblioteca

Damai che quell'occurrènza ei stada in success, dein nus in'ulteriura pusseivladad d'experimentar e d'empruar differents models da roboters, e quei **mesjamna, ils 2 d'october 2019** dallas 14.00–16.00 en nossa biblioteca. Nus selegrein sin Vossa viseta.

Il team dalla Biblioteca populara

Disentis/Mustér e contuorn
